



Publicaziuns dalla vischnaunca, jamna 49

Damondas da baghegiar

2014-1049.000

Datum dalla publicaziun: 5 da december 2014

Il patrun: Rui Miguel De Carvalho Figueiras, Via Cons 5, 7180 Disentis/Mustér

Il representant: Rui Miguel De Carvalho Figueiras, Via Cons 5, 7180 Disentis/Mustér

Object: Construcziun d'ina habitaziun el sutterran, parcella 779, Via Cons 5, 7180 Disentis/Mustér

2014-1050.000

Datum dalla publicaziun: 5 da december 2014

Il patrun: Rui Miguel De Carvalho Figueiras, Via Cons 5, 7180 Disentis/Mustér

Il representant: Rui Miguel De Carvalho Figueiras, Via Cons 5, 7180 Disentis/Mustér

Object: Construcziun d'ina suschna, parcella 779, Via Cons 5, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, igl 1. da december 2014

Uffeci da baghegiar Disentis/Mustér

2014 – 5003.000

Datum dalla publicaziun: 5 da december 2014

Il patrun: Stockwerkeigentümergeinschaft Casa Genziana, c/o confida.gr Treuhand AG, Via Sursilvana 18, 7180 Disentis/Mustér Marcel ed Alice Kalberer-Baumgartner, Mönchaltorferstrasse 16, 8132 Egg

Object: Finiastra gia construida en la fatschada nordvest, casa sin parcella 1345, Via Fontauna 2, 7180 Disentis/Mustér

- Questa procedura da baghegiar succeda posteriuramein sin via ufficala. Ils documents ein publicai en casa communal (stanza 10).
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, igl 1. da december 2014

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 12 da december 2014** allas 19.00 en l'anteriura casa da scola a Segnas.

Tractandas:

1. Pumpiers Sursassiala: Revisiun totala dalla lescha da pumpiers (messadi nr. 18-2013/2016)
2. Center da sport e cultura: Presentaziun dils studis davart igl avegnir
3. Cumissiun parlamentara preparatoria preventiv 2015: Elecziun
4. Agenda 2015
5. Ura da damondas (conform ad art. 44 dil regulativ da fatschentas)
6. Elecziuns:
 - 6.1 dil president ni dalla presidenta dil cussegl da vischnaunca per 2015
 - 6.2 dil vicepresidente ni dalla vicepresidente dil cussegl da vischnaunca per 20153

Il president dil cussegl da vischnaunca



Resultat dalla votaziun communal dils 30 da november 2014

Diember dils votants 1547
Participaziun alla votaziun 49.7%

Integraziun dallas meglieraziuns da Segnas e da Pardomat el project per la meglieraziun funsila

Dau giu cedels 769
Cedels vits 25
Cedels nunvaleivels 7
Total cedels vits e nunvaleivels 32
Cedels valeivels 737
Gie 557 76%
Na 180 24%

Disentis/Mustér, ils 30 da november 2014

Biro electoral

La presidenta: Madlen Deflorin-Spescha

Igl actuar: Andri Hendry

Pigniel da Nadal 2014

Il Menaschi tecnic dalla vischnaunca da Mustér organischescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 19 da december 2014 naven dallas 13.00– 17.30 avon il luvratori dil Menaschi tecnic a Cuoz. Sin gjavisch e per in prezi surpli da frs. 5.– vegn il pigniel era furnius avon casa.

Il pigniel sa vegnir empustaus cul talun aschuntau entochen ils 10 da december 2014:

Adressa: Uffeci forestal, Caum postal 57, 7180 Disentis/Mustér, telefon 081 920 36 36, Mail: uaul@disentis.ch

Bien engraziament

Pégn (Rottanne)

1,10 – 1,50 m Fr. 26.–
1,60 – 2,00 m Fr. 29.–
2,10 – 2,50 m Fr. 33.–

Viez (Weisstanne)

1,20 – 1,70 m Fr. 38.–
1,80 – 2,50 m Fr. 43.–

Pégn da Nordmann

1,10 – 1,50 m Fr. 41.–
1,60 – 2,00 m Fr. 56.–
2,10 – 2,50 m Fr. 78.–

Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal gjavischau. Il selvicultur communal accumpogna ils interessai e dat in ni l'auter cussegl.

Nus s'entupei cun resti cauld, buns calzers ed in resgiut, **sonda, ils 20 da december 2014**, allas 9.00 sil parcadi Claustra (Davos-Mustér).

Uffeci forestal Disentis/Mustér



Dascha pégn per il temps d'advent

A Sogn Placi sil plaz da lenna metta il menaschi tecnic a disposiziun dascha pégn. Tgi che fa diever da quei survetsch sa retrer quella naven d'immediat. In bi temps d'advent giavischa

Menaschi tecnic Disentis/Mustér

Clom da quens

Il quen communal vegn serraus giu cun ils 31 da december 2014. Per saver risguardar las expensas occurridas uonn el quen 2014 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **19 december 2014**.

Nus supplichein tuttas firmas sco era tut ils officials dalla vischnaunca d'observar quei termin.

Administraziun communal Disentis/Mustér

Preavis: Di naziunal svizzer da schubergiar – Clean-Up-Day 2015

Appel allas uniuns ed a personas privatas

Era il 2015 ha liug in di naziunal da schubergiar, «Clean- Up-Day 2015», numnadamein **sonda, ils 12-9-2015** Uniuns e personas privatas ch'ei interessadas da separticipar all'acziun «Clean-Up-Day 2015» duein far aschi bien e reservar quei termin.

Per ulteriur sclariment stattan genau Roger Tuor ni il menader digl uffeci da baghegiar Ervin Maissen bugen a Vossa disposiziun. Era sut <http://www.igsu.ch/de/aktuelles/clean-up-day/> anfl'ins detagls en caussa.

Nus selegrein da mintga participaziun ed engraziein a tuts ed a tuttas per lur engaschi a favur da nossa biala natira e nossa patria.

*Suprastonza communal
Clean-Up-Day Mustér 2015*

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adrebbein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn! 3
Vos pumpiers Sursassiala



**Corporaziun megliuraziun squadra Segnas
Invit alla radunonza generala 2014.**

Gliendisdis, ils 8 da december 2014 allas 20.15 en casa da scola Segnas

Tractandas:

1. Beinvegni
2. Elecziuns d'in dumbravuschs
3. Prelecziun ed approvaziun dil protocol 2013
4. Render quen e rapport dils revisurs
5. Orientaziun
6. Taxas annualas
7. Elecziuns: a) president
b) actuar
c) cassier
d) dus revisurs da quen
8. Program da lavur
9. Varia

A stedia partizipaziun envida
la suprastonza

Vischinadi Mompé-Medel

Radunonza generala, mesjamna ils 10-12-2014 allas 20.15 en La Sgursalada a Mompé-Medel.

Suenter la radunonza vegn offeriu in puschegn.

Cordialmein envida
la suprastonza

Uniun samaritana Mustér

Gliendisdis, ils 8 da december sentupein nus allas 19.00 avon halla Cons. Nus serendin a pei entochen Disla nua ch'ei vegn offeriu a tuts participonts ina buna tscheina ell'Ustria Fravia.

A casa returnein nus cun il bus.

Selegrond sin vossa participaziun ed ina biala sera en buna cumpignia salida
la presidenta

**Uniun da dunnas Mustér
Sontgaclau viseta ils seniors**

Dumengia, ils 7 da december 2014 allas 13.30 en halla Cons.

Cun grond plascher envidein nus tut ils convischins e las convischinas da 60 onns ensi alla tradiziunala sentupada cun Sontgaclau. Cun in pign program, viseta dil Sontgaclau ed in puschegn lein nus porscher a Vus in per emperneivlas uras en cumpignia.

Nus selegrein da passentar ensemen cun Vus in bi suentermiezdi.

Cordialmein envida
Uniun da dunnas Mustér



Sontgaclau 2014

Sonda, ils 6 da december 2014 viseta il Sontgaclau Vitg las famiglias dalla fracziun Vitg.

- 13.30 viseta ellas ustrias dil vitg
- 15.30 messa da Sontgaclau, baselgia parochiala s.Gions
- 16.30 sentupada cun Sontgaclau avon l'ustria La Furca

Silsuenter viseta dil Sontgaclau da vitg ellas casadas. Il Sontgaclau viseta era uonn bugen vus a casa.

Vossa annunzia per mail sontgaclauvitg@hotmail.com ni per posta Sontgaclau Vitg 2014, Posta, 7180 Mustér fagess a nus grond plascher.

Cordials salids
Uniun da giuventetgna Mustér/Fracziun Vitg

Trer candeilas per in e scadin cun stiva da caffè

Sonda, ils 13 da december allas 16.00–22.00
Dumengia, ils 14 da december allas 11.00–18.00.

En Stalla tier Armin Manetsch e Priska Müller a Mompé-Medel.

Sentupada d'advent a Segnas

Nossa sentupada d'advent ha liug, **dumengia, ils 14 da december 2014** allas 17.00 el clavau sper via all'entschatta dil vitg. A caschun dalla sentupada vegn la decoraziun el nuegl dil clavau, creada dils affons da Segnas, inaugurada. Quella ei illuminada mintga sera dallas 17.00–22.00, naven dils 14 da december entochen Buania.

Cordial beinvegni a pign e grond, dalunsch e damaneivel!

La gruppa d'organisaziun dil vischinadi Segnas/Mompé Tujetsch